

PROJEKT

**ŠAHOVSKA ŠKOLA „ČELIK“ ZENICA
ZA PERIOD 2019. – 2024. GODINA**

Zenica, februar/veljača 2019. godine

OSNOVNI PODACI O NOSITELJU PROJEKTA

NAZIV:

Šahovski klub „Čelik“ Zenica (u daljem tekstu: ŠK „Čelik“ Zenica)

ADRESA:

72000 Zenica, Ul. Školska broj 15/I.

061/475-505 – ing. Vedad Šestić, predsjednik Upravnog odbora

061/462-877 – IM Goran Trkulja, sekretar kluba

TELEFONI:

061/475-505 – ing. Vedad Šestić, predsjednik Upravnog odbora

061/462-877 – IM Goran Trkulja, sekretar kluba

061/788-910 – Vincenc Šunjić, predsjednik Skupštine ŠK „Čelik“

UPRAVNI ODBOR

061/859-696 – Elvedin Bečić

061/614-031 – ing. Sead Čizmić

061/131-969 – dr. Almin Dautbegović, pravnik

061/760-134 – Đevad Hadžić

061/789-377 – Hajrudin Hedžić, pravnik

061/133-918 – ing. Ibrahim Kratina

062/238-831 – dr. Ibrahim Mehmedić

061/176-463 – ing. Muhamed D. Pašić

061/475-505 – ing. Vedad Šestić, predsjednik Upravnog odbora

e mail:

goranzenica@yahoo.com (klub)

vedadsestic@gmail.com

sunjic.vincenc@gmail.com

OVLAŠTENI PREDSTAVNICI

Ing. Vedad Šestić, predsjednik Upravnog odbora

IM Goran Trkulja, sekretar kluba

PRAVNI STATUS

UG (Udruženje građana) upisan u Registar udruženja koji se vodi kod Ministarstva za pravosuđe i upravu Zeničko-dobojskog kantona (u daljem tekstu: ZDK)

REGISTRACIJA

Rješenje broj: 06-05-18902-2/02 od 04.05.2010. godine od Ministarstva za pravosuđe i upravu ZDK, i posljednje 06-05-18909-5/02. od 14.12.2018. godine

PROGRAMI I CILJEVI RADA:

1. Razvoj i promocija kvalitetnog šaha; učešće u sportskim manifestacijama u

- organizaciji ŠSZDK, Šahovskog saveza Fedearacije BiH i Šahovskog saveza BiH;
- Kadeti i juniori redovno nastupaju na kadetskim i juniorskim prvenstvima ŠSZDK, ŠSFBiH i ŠSBIH,
 - seniorska ekipa je najčešće redovan učesnik Premijer lige ŠSBIH,
 - učešće na seniorskom ekipnom prvenstvu ŠSZDK,
 - učešće na pojedinačnom seniorskom prvenstvu ŠSZDK i ŠSFBiH
 - učešće u Kupu ŠSZDK i ŠSFBiH
1. Organizacija šahovskih manifestacija u okviru programskih aktivnosti ovih saveza, kao i organizacija šahovskih manifestacija u okviru vlastitog programa aktivnosti (kalendari takmičenja): međunarodni šahovski turniri, prigodni turniri sa obilježavanjem prigodnih događaja (blagdani, memorijalni turniri), klupski turniri, organizacija simultanki i slično;
 - Organizacija I. Pojedinačnog kadetskog turnira Grada Zenice
 - Organizacija I. Pojedinačnog juniorskog prvenstva ŠSZDK (ili Grada Zenice)
 - Organizacija turnira u čast Ramazanskog bajrama
 - Organizacija Memorijalnog turnira „Muhamed Serdarević”
 - Polufinalno i finalno prvenstvo kluba
 - Finalno ekipno prvenstvo osnovnih škola (15 ekipa)
 - Finalno ekipno prvenstvo srednjih škola za 2018/2019 (8 ekipa)
 - VI. Pojedinačno prvenstvo osnovnih škola za 2019/2020. (19 škola)
 - II. Pojedinačno prvenstvo srednjih škola 2019/2020. (10 škola)
 2. Obezbjedenje uslova za razvoj kvalitetnog šaha i trenažnog procesa za postizanje vrhunskih rezultata;
 - Nabavka jednog kvalitetnog laptopa ili PC
 - Nabavka kvalitetnih šahovskih garnitura isključivo za Školu šaha
 - Nabavka šahovske literature, bilježnica i olovaka
 3. Afirmacija šaha kod mladih, okupljanje školske populacije i osiguravanje kontinuiranih uslova za održavanje šahovske škole i produkciju novih kvalitetnih igrača;
 - Već smo pod 3. naveli pojedinačna i ekipna prvenstva osnovnih i srednji škola
 - Do sada je održano pet ekipnih prvenstava osnovnih i jedno prvenstvo srednjih škola (2015, 2016, 2017, 2018. 2018/2019.) na zadnjem /bez podataka o finalu/ nastupilo je 411 učenika, od toga 66 djevojčica i 345 dječaka. Svake godine kontinuirano se povećava broj škola učesnica i broj učesnika na pojedinačnim prvenstvima škola
 - Za dalji rad šahovskih sekcija po osnovnim i srednjim školama društvo bi trebalo da se pobrine da se za škole nabave kompleti po 10 šahovskih garniture, jer klub ih nema dovoljno, a u pojedinim školama na pojedinačnim prvenstvima učestvuje i preko 80 učenika
 4. Stvaranje preduslova za školovanje i usavršavanje vrhunskih šahista i šahovskih radnika
 - Osnovati poseban fond za isključivu namjenu za slanje vrhunskih šahista kluba na rejtingovane turnire u cilju osvajanja balova za više šahovske titule
 - Obezbijediti sufinansiranjem napredovanje sudija: klupskih, kantonalnih, nacionalnih FA i IA titula

KRATKA HISTORIJA KLUBA I NJEGOVI NAJVEĆI USPJESI:

Šahovski klub „Čelik Zenica je osnovan je 12. aprila daleke 1947. godine i to na Dan oslobođenja od fašista, kao Šahovska sekcija „Željezničar“ pri Sportskom društvu „Željezničar“ Zenica. Dana 16.03.1955. godine na Skupštini kluba prerasta u Šahovski klub „Željezničar“ Zenica i pod tim imenom nastupa do 1978. godine kada pristupa Sportskom

društvu „Čelik“, (reorganizacija sportskih društava u Zenici) pod imenom ŠK „Čelik“ Zenica, koje nosi i danas.

U pojedinačnoj konkurenciji šahisti i šahistkinje kluba osvajali su prva mjesta i postizali zapažene rezultate na državnim i republičkim takmičenjima u seniorskim i juniorskim kategorijama, navedimo samo neke – Enisa Brkić pionirska prvakinja BiH 1973, omladinska prvakinja Jugoslavije 1975. i reprezentativka Jugoslavije; Bernardica Obradović pionirska prvakinja BiH 1974. i 1-2. mjesto 1975; Gordana Sarajlić 1-2. mjesto na Seniorskom ženskom prvenstvu BiH 1978; Goran Trkulja pionirski prvak BiH 1984; Ilija Subašić 1. mjesto na Seniorskom prvenstvu BiH 1979. i dioba 1-2. mjesta 1990; Pionirska ekipa 1975, 1976. i 1977. prvo mjesto u BiH; Emir Dizdarević prvo mjesto na Otvorenom prvenstvu BiH 1979; Emin Kos prvo mjesto na Otvorenom omladinskom prvenstvu BiH 1980; na 6. Kadetskom i juniorskom prvenstvu ŠSZDK 2011. prvi u konkurenciji U10-M Vedad Zilić, Belmir Puljić prvi u konkurenciji J20-M; na 7. Kadetskom i juniorskom prvenstvu ŠSZDK, u konkurenciji U8-M prvi Nedim Šestić, u konkurenciji U16-Ž Marković Irma prva, u konkurenciji U18-M Belmir Puljić prvi; na 8. Kadetskom i juniorskom prvenstvu ŠSZDK u konkurenciji U10-M prva tri mjesta osvojili „Čelikovci“ Mateo Sušić, Vedad Zilić i Nedim Fakić, u konkurenciji U20-Ž Irma Marković prva, na 9. Kadetskom i juniorskom prvenstvu ŠSZDK u kategorijama U10-M Aldin Salčinović prvi, U12-M Nedim Šestić prvi, U18-M Faris Čunjalo prvi; na 10. Kadetskom i juniorskom prvenstvu ŠSZDK u kategorijama U8-Ž Zakić Lana prva, U12-M Zilić Vedad prvi, U14-M Karalić Evel prvi, J20-Ž Marković Irma prva; na XXII. Kadetskom i juniorskom prvenstvu ŠSFBiH u konkurenciji U16-M Marković Dino prvi, J20-M Čunjalo Faris prvi, J20-Ž Marković Irma prva; na 11. Kadetskom i juniorskom prvenstvu ŠSZDK u konkurencijama U8-M Bečić Orhan prvi, U10-M Bešlić Edvin prvi, U12-M Đuhera Danis prvi, U14-M Nedim Šestić prvi, U16-M Marković Dino prvi, U18-M Čunjalo Faris prvi, U8-Ž Zakić Lana prva, J20-Ž Irma Marković prva; na 17. Kadetskom i juniorskom prvenstvu ŠUBIH u kategoriji U16-M Marković Dino je prvi; na 12. Kadetskom i juniorskom prvenstvu ŠSZDK u konkurenciji U8-M Bečić Orhan prvi, U14-M Zilić Vedad prvi, U16-M Nedim Šestić prvi, U18-M Dino Marković prvi, J20 Čunjalo Faris prvi, U8-Ž Lorena Čerkez prva, U10-Ž Zakić Lana prva; na 23. Kadetskom i juniorskom prvenstvu ŠSFBiH u kategoriji U8-M Bečić Orhan prvi, U16-M Nedim Šestić prvi, U8-Ž Čerkez Lorena prva, U10-Ž Zakić Lana prva; na 18. Kadetskom i juniorskom prvenstvu ŠUBIH u konkurenciji U8-M Bečić Orhan prvi, 20-M Čunjalo Faris prvi, U8-Ž Čerkez Lorena prva; na 13. Kadetskom i juniorskom prvenstvu ŠSZDK u konkurencij U10-M Bečić Orhan prvi, U12-M Hadžić Anes prvi, U18-M Karalić Evel prvi, U10-Ž Čerkez Lorena prva, U12-Ž Zakić Lana prva. Sadašnji standardni reprezentativac Emir Dizdarević, nosilac je srebrene medalje na Olimpijadi u Moskvi 1994. godine, ponikao je u našem klubu. Da ne nabrajamo uspjehe „Čelikovih” igrača na raznoraznim turnirima, kantonalnim i prvenstvima gdje su osvajali prva mjesta.

I ekipno je „Čelik” imao vrhunskih rezultata: petostruki su ekipni prvaci BiH, standardni drugoligaši u okviru bivše države, učesnici finalnih takmičenja za kup, Ekipno pionirsko prvenstvo za žene prva mjesta 1976, 1977. i 1978. godine, pobjednici Kupa BiH, ekipni prvaci ŠSZDK, etc.

ŠK „Čelik” je u svojoj aktivnosti posebnu pažnju poklanjao promociji šaha kroz organizaciju raznoraznih šahovskih takmičenja: 1963. godine XIX. Pojedinačno prvenstvo

Jugoslavije za seniore, 5 Međunarodnih šahovskih turnira u povodu dana oslobođenja grada, ekipna prvenstva BiH i razne druge masovne manifestacije (radničke sportske igre – ukupno održanih 35 u bivšoj državi sa prosječno sa 25-30 ekipa-učesnica sa po 4 igrača). Igrači „Čelika“ („Željezničara“) osvajali su značajna radnička takmičenja u bivšoj državi: Mijo Šantić bio je prvak željezničara Jugoslavije, Nihad Babović prvak PTT radnika Jugoslavije, Vincenc Šunjić prvak vatrostalaca Jugoslavije, Mehmed Agić prvak radnika „Robne kuće Beograd“, a ekipa „RMK-ZENICA“ sastavljena od igrača „Čelika“ dva puta je osvajala zlatne medalje na radničkim olimpijadama Jugoslavije u Puli.

Vidljivo je iz rezultata da je klub okvirov svojih aktivnosti posebnu pažnju poklanjao školovanju mladih šahista i dugo godina ŠK „Čelik“ je bio rasadnik novih talenata koji su poslije nastupali za ŠK Bosna Sarajevo, višestrukog prvaka bivše države i Europe (Gordana Sarajlić, Srđan Panzalović, Emir Dizdarević, Selim Dizdar). Nova generacija mladih perjanica kluba, a time i bosansko-hercegovačkog šaha stasaće iz ovih školskih generacija, ne zaboravimo da je ŠK „Čelik“ Zenica najuspješniji u BiH po broju osnovnih i srednjih škola obuhvaćenim prvenstvima i finalnim ekipnim prvenstvima. Ovu aktivnost itekako trebaju prepoznati resorna ministarstva u Vladama ZDK i FBiH i finansijski i materijalno da pomognu da se ovaj itekako značajan projekt za mlade u potpunosti realizuje. Ovako se mladi, baveći se šahom, sve više druže, socijaliziraju, komuniciraju, manje „vise“ nad mobitelima i kompjuterima, bolje razumijevaju matematiku i fiziku, komuniciraju sa cijelim svijetom putem šahovske notacije, manje će biti ovisnika o opijatima, manje maloljetničkog kriminala svih vrsta.

UVOD:

Razvoj šaha u posljednjih dvadeset godina u svijetu, uz podršku savremenih tehnologija više nego u bilo kojem sportu, pomjerio je granice vrhunskih dostignuća u svijet mladih, pa čak i moglo bi se reći djece. Nije rijedak slučaj da na vrhunskim svjetskim turnirima više od polovine igrača je mlađih od dvadeset godina. Velemajstorke titule osvajaju se sa 14-16. godina starosti. Dostupnost informacionih pomagala (računara, interneta, šahovskih baza, „pametnih mobitela“, chessresults, YouTube, Facebook i drugih društvenih mreža i programa, mnogobrojnim dječacima i djevojčicama omogućio je neslućeni razvoj i napredak šaha u dosad nezastupljenim nacijama u šahovskom svijetu. (Indija, Kina i dr.), a svakako uveliko omogućilo lakši i brzi razvoj naših šahista. Zbog toga uz relativno mala ulaganja u savremena pomagala i osmišljen koncept školovanja mladih šahista moguće je ostvariti relativno brzi napredak i prodor u svijet svjetskog šaha. Šahovski klub „Čelik“ je 2010. Godine, dobijanjem novih opremljenih prostorija u Šahovskom domu sa svim neophodnim sadržajima (šahovska oprema, računar /danas već dotrajavao i zastario/, projektor, internet) stekao tehničke pretpostavke za uspješnu organizaciju i realizaciju projekta školovanja mladih šahista „Šahovska škola ŠK Čelik“ sa ciljem ostvarenja dugogodišnje želje svih članova kluba i ljubitelja šaha „Prvi velemajstor iz Zenice“ (GM Emir Dizdarević koji je potekao u ŠK „Čelik“ Zenica titulu velemajstora osvojio je kao igrač ŠK „Bosna“ Sarajevo).

NAZIV I OPIS PROJEKTA:

U sklopu programskih aktivnosti Kluba koje su usmjerene u pravcu većeg obuhvata školske populacije, planira se započeti sa programom podmađivanja i stvaranja nove kvalitetne baze iz koje bi potekli i budući velemajstori. Projekt ima dugoročni karakter i odvijao bi se kroz više faza:

1. Faza animacije školske populacije

- 2015. – održana pojedinačna prvenstva 7 osnovnih škola sa 127 učesnika, na ekipnom finalu učestvovalo 11 ekipa sa po 2 člana, igrano po Bergeru 10 kola
 - 2016. – održana pojedinačna prvenstva 9 osnovnih škola sa 244 učesnika, na ekipnom finalu učestvovalo 8 ekipa sa po 2 člana, igrano po Bergeru 7 kola
 - 2017. – održana pojedinačna prvenstva 11 osnovnih sa 301 učesnikom, u finalu igralo 10 ekipa, prvi put sastav ekipe 4+1 (osnovni sastav plus 1 rezerva) igrano po Bergeru 9 kola
 - 2018. – održana pojedinačna prvenstva u 12 osnovnih škola (s tim da je u OŠ „Mak Dizdar” bilo 2 grupe), sa 379 učesnika, 61 djevojčica i 318 dječaka, na finalu učestvovalo 10 ekipa (4+1), igrano po Bergeru 9 kola
 - 2018 – prvi put održano prvenstvo jedne srednje škole i to u J.U. Mješovita srednja industrijska škola Zenica sa 13 učesnika
 - 2018/2019. – održana pojedinačna prvenstva za školsku 2018/19. godinu u 15 osnovnih i 8 srednjih škola, sa ukupno 411 učesnika 66 djevojčica i 345 dječaka. Ekipno finale osnovnih škola će se igrati u Međunarodnoj osnovnoj školi na Bilmišću dana 23.02.2019. godine, a Ekipno finale srednjih škola igraće se 02.03.2019. godine najvjerojatnije će biti održano u Šahovskom domu Zenica.
2. Početna škola šaha
- U Početnu školu šaha regrutuju se najbolje plasirani učenici na školskim pojedinačnim prvenstvima od 1-9 razreda osnovne škole, starosne dobi od 6-15 godina bez rejtinga ili do rejtinga 1.350 ELO.
 - Organizator i trener IM Goran Trkulja, licencirani FIDE trener, a povremeno ga po potrebi mogu zamjenjivati FM Enver Muratović, instruktor i CM Aleksandar Urošević, trener. Sva trojica suiskusni šahisti, dugogodišnji članovi seniorske ekipe sa uspješnim trenerskim stažom, pogotovo sa mlađim kategorijama.
 - Polaznici ove škole bi u okviru rada imali slijedeće teme za izučavanje: šahovska ploča, položaj figura na osnovnoj poziciji, kretanje figura, vrijednost pojedinih figura, redovi i linije, šahovska notacija, uzimanje, „an pasan“ (En passant – u prolazu), promocija, osnovi otvaranja (Francuska odbrana, Kraljeva indijka, Damina indijka, Španjolka, Karo-Kan, gambiti), vlast u centru i prevlast na terenu, razvoj figura, taktika, remi, vječni šah, pat, velika i mala rokada, karakteristične završnice, (dama i kralj protiv kralja; top i kralj protiv kralja; dva lovca i kralj protiv kralja; kralj, skakač i lovac protiv kralja), jednostavne završnice, osnovi strategije.
3. Napredna škola šaha
- U Naprednu školu šaha prelaze najbolji polaznici Početne škole šaha, bez rejtinga ili do rejtinga 1.550 ELO
 - Polaznici ove škole bi u okviru rada imali slijedeće teme za izučavanje: ugušeni mat, dvojni udar, odvlačenje, otvorene linije i dijagonale, šahovski mlin, središnjice i završnice, slobodni, usamljeni i udvojeni pješaci
4. Kvalitetna škola šaha
- Kvalitetnu školu šaha pohađaju polaznici koji su uspješno savladali Naprednu školu šaha, sa rejtingom preko 1.550 ELO
 - Polaznici ove škole bi u okviru rada imali slijedeće teme za izučavanje: otvorene igre, poluotvorene igre, zatvorene igre, završnice (damske završnice, topovske završnice, pješačke završnice, završnice lakih figura, opozicija, cik-cak manevar), poziciona igra, pješačke završnice.

CILJEVI PROJEKTA

Stvaranje nove kvalitetne baze šahista, tako da bi već za 4-5 godina Šahovski klub „Čelik” imao šahistkinje i šahiste u svim kadetskim i juniorskim kategorijama FIDE (U8-G,

U10-G, U12-G, U14-G, U16-G, U18-G, J20-G /G=Gir/, U8-B, U10-B, U12-B, U14-B, U16-B, U18-B i J20-B /B=Boy/ mada je uobičajeno i češće se koristi kod nas kategorizacija „Ž” za žene i „M” za muškarce. U današnjim uslovima šahovska konkurencija je sve oštrija, tako da naglo rastu zahtjevi za metodama treninga šahista u ranoj fazi. Koristeći raspoloživi trenerski - kadrovski potencijal sa primjenom znanstvenih spoznaja iz oblasti sporta, planira se pridonijeti razvitku i promicanju ovog sporta.

Ujedno i podizanje odgoja, obzirom da se šah već iskazao kao važno sredstvo na tom planu. Šah blagotvorno djeluje na čovjeka kao sredstvo psihičke relaksacije jer sadrži elemente igre, natjecanja, kulture, umjetnosti, znanosti. Time se stvara preduvjet za izgradnju pozitivne mlade ličnosti. Razvijanje kombinatornog razmišljanja u šahu ima i povratnog pozitivnog utjecaja na školskom planu kod pojedinih predmeta, kao što su matematika, fizika,....

VRSTE PLANIRANIH AKTIVNOSTI:

U okviru nastavka prve faze projekta, animacije, predviđeno je da se izvrši obavještavanje i upoznavanje javnosti i učenika o početku funkcioniranja škole šaha, animiranja nastavnog osoblja za proces, educiranja nastavnog osoblja za proces, organizacija predavanja, odigravanje simultanki, organizacija takmičenja u školama, opremanje škola sa osnovnim rekvizitima. Nakon završetka procesa animacije vrši se selekcija za početnu školu šaha. U okviru početne škole šaha planirano je da se sa mladim polaznicima ukupno 15 lekcija i to dva puta sedmično, utokom i četvrtkom (izuzev praznika) po dva školska sata (45 minuta). Polaznici ove škole bi u okviru rada imali slijedeće teme za izučavanje: šahovska ploča, položaj figura, kretanje figura, vrijednost pojedinih figura, redovi i okomice, šahovska notacija, osnovi otvaranja, taktika, prevlast u centru, karakteristične završnice, osnovi strategije.

MEDIJSKA POKRIVENOST

Pojedinačna i ekipna prvenstva osnovnih i srednjih škola objavljuju na:

- www.chess-results.com (odmah po završetku prvenstva)
- „Zenicablogu”
- www.zenit.ba
- U „Dnevnom avazu” ponedjeljkom na sportskoj strani
- RTVZE,
- U „Našoj riječi” utorkom.

METODA RADA I OČEKIVANI REZULTATI:

Šahovska predavanja trajala bi maksimalno do 45 minuta (vrijeme školskog sata) kako se ne bi izgubio živi interes kod mladih slušalaca. Prilikom predavanja koristila bi se savremena sredstva za prezentaciju: notebook, projektor, providne plastične folije, demonstraciona ploča, koje klub posjeduje . Ostatak vremena bi se koristio na zapis domaće zadaće i praktičnu igru, organizaciju simultanki, sa povremenim održavanjem natjecanja, kako bi se kod mladih polaznika probudio natjecateljski duh.

Očekivani rezultati su da mladi polaznici škole steknu afinitet prema šahovskoj igri, da samostalno razmišljaju za tablom i prihvate šahovsku kulturu. Također se očekuje da se na nastavi mladi polaznici psihički relaksiraju, nakon obimnih školskih programa i zadataka.

CILJNE GRUPE - BROJ SUDIONIKA I NJIHOVA STAROSNA DOB

1. To su učenici od prvog do devetog razreda gradskih i prigradskih osnovnih škola kod kojih su završena pojedinačna prvenstva u X, XI i XII mjesecu 2018. godinu za školsku 2018/19. godinu, te gdje će se opet održati prvenstva za školsku 2019/20.

godinu gdje očekujemo izlaznost cca 450 učenika iz:

- „Ahmed Muradbegović“ Stranjani,
- „Aleksa Šantić“ Perin Han,
- „Alija Nametak“ Pehare,
- „Edhem Mulabdić“ Zenica,
- „Hasan Kikić“ Tetovo,
- KŠC „Sv. Pavao“ Zenica,
- „Mak Dizdar“ Zenica,
- „Međunarodna osnovna škola“ Zenica (Richmond Park International Primary School)
- „Meša Selimović“ Zenica,
- „Miroslav Krleža“ Zenica,
- „Musa Ćazim Ćatić“ Zenica,
- „Skender Kukenović Radakovo,
- „Vladimir Nazor“ Zenica,
- PU „Hasan Kjafija Pruščak“ Zenica
- PU „Prva osnovna Montessori škola“ Zenica.

NAPOMENA: nisu uključeni učenici Niže muzičke škole jer se takmiče u svojim OŠ.

2. To su učenici od 1-4 razreda srednjih škola koji su održali prvenstva u X, XI i XII mjesecu 2018. Godine za školsku 2018/19. godinu:

- Prva gimnazija Zenica,
- Druga gimnazija Zenica,
- Gimnazija KŠC „Sv. Pavao“
- Tehnička škola Zenica,
- Mješovita srednja industrijska škola Zenica,
- Mješovita srednja škola „Mladost“ Zenica,
- Medicinska škola Zenica,
- Mješovita srednja škola Zenica.

3. To će biti učenici preostale 4 osnovne škole za prvenstvo školske 2019/20. godinu:

- „Arnauti“ Arnauti,
- „Enver Čolaković“ Janjići,
- „Hamza Humo“ Babio,
- „Ćamil Sijarić“ Nemila.

4. To će biti učenici preostale 3 srednje škole za prvenstvo školske 2019/20. godinu:

- Ekonomska škola Zenica,
- Srednja muzička škola Zenica,
- Međunarodna srednja škola Zenica (Richmond Park International School)

PODRUČJE IMPLEMENTACIJE PROJEKTA:

Nastava bi se u dogledno vrijeme odvijala u pogodnim prostorima u školama i u Šahovskom domu, a za sada samo u prostorijama Šahovskog doma u Školskoj 15. uz korištenje svih raspoloživih resursa ovog doma.

TRAJANJE PROJEKTA:

Projekt bi se odvijao po fazama i kontinuirano više godina. U toku 2015. godine odvijale su se Prve dvije faze projekta. (Animacija, pojedinačna prvenstva u 7 škola i Početna škola šaha). U ovoj godini (2019.) održavamo već V. Ekipno prvenstvo 15 osnovnih škola, i I. Ekipno prvenstvo 8 srednjih škola, te u zadnjem kvartalu održavamo pojedinačno prvenstvo u 19 osnovnih škola i u 11 srednjih škola, s tim da bi finalna ekipna takmičenja (VI. za

osnovne i II. za srednje škole) bila održana u prvom kvartalu 2020. godine. Animacija kao i Početna, Napredna i Kvalitetna škola šaha bi se odvijali u toku školske godine, sa pauzama za vrijeme ljetnih i zimskih ferija.

Projekt će biti na snazi za kontinuiranu realizaciju i u buduće, sve dok se ne steknu bolji i kvalitetniji uslovi za njegovu efikasniju realizaciju.

FINANSIRANJE PROJEKTA:

Projekt bi se finansirao planiranim sredstvima dobijenim od:

- Grada Zenica, Trg BiH 2.
- Premijera Vlade ZDK – interventna sredstva, Zenica, Kučukovići 2,
- Ministarstva za obrazovanje, nauku, kulturu i sport ZDK, Zenica, Kučukovići 2,
- Federalnog Ministarstva kulture u i sporta, Sarajevo, Maka Dizdara 2,
- Federalnog Ministarstva obrazovanja i nauke, Mostar, Dr. Ante Starčevića b.b,
- Donacija od javnih preduzeća i privatnih firmi,
- Donacija građana.

POTREBNA SREDSTVA ZA REALIZACIJU PETOGODIŠNJEG PROJEKTA

Osnovna sredstva, sitan alat i inventar, kancelarijski materijal, gorivo:

- 2 kom. Laptop Dell Latitude E544015 4200U, 8 GB kod „Procomp“ Zenica, jedan za stalni rad u klubu, a drugi namjenski za rad na terenu po školama, po promotivnoj cijeni od 374,00 KM.....**748,00 KM**
- 115 šahovskih garnitura (po 5 za svaku osnovnu i srednju školu), po najpovoljnijoj cijeni od 6,94 € kod kupindo.com Srbija, $115 \times 6,94 \text{€} = 798,10 \text{€} \times 1,95583$ (Kurs po kursu Centralne banke BiH BAM – € od 1,95583).....**1.560,95 KM**
- 115 plastičnih šahovskih ploča u futrola (po 5 za svaku osnovnu i srednju školu) po najpovoljnijoj cijeni od 8,38 € kod kupindo.com Srbija, $115 \times 8,38 \text{€} = 963,70 \text{€} \times 1,95583$ po kursu Centralne banke BiH BAM – € 1,95583)..... **1.848,85 KM**
- 56 digitalnih šahovskih satova DGT 1001 Digital kod THESHOP Hrvatska, po 2 za svaku školu, 10 satova za ŠK „Čelik“ i Šahovski dom, po cijeni od 211,24 Kn/kom. po kursu Centralne banke BiH od 100 Kn = 26,403375 BAM, $56 \times 211,24 = 11.829,44 \text{Kn}$, $11.829,44 \times 0,26403375 =$ **3.124,00 KM**
- Nabavka stika BHTelecoma sa kreditom, za povezanost sa internetom u školama gdje u učionici za dostupan Wi-Fi **150,00 KM**
- Servisiranje PC i laptopa, bankpost papir za štampač, toner za štampač, štampanje oglasa A3, banera, štampanje diploma i zahvalnica, kupovina pehara, zlatnih, srebrnih i bronzanih medalja, graviranje, bilježnice, olovke, šahovska ligeratura.....**2.200,00 KM**
- Odlazak na teren za održavanje pojedinačnih prvenstava po školama, i zbog radnih dogovora (isključivo prigradске i na selu) u privatnom automobilu **1.000,00 KM**
- Nadoknada animatorima za Početnu šahovsku školu, paušalno godišnje.. **1.200,00 KM**
- Nadoknada instruktorima za Početnu školu šaha ukupno godišnje **1.200,00 KM**
- Nadoknada instruktorima za Naprednu školu šaha ukupno godišnje **1.200,00 KM**

KM

- Nadoknada instruktorima za Kvalitetnu školu šaha.....
800,00KM

UKUPNO POTREBNA SREDSTVA15.031,80

KM

NAPOMENA: Cijene svih nabrojanih artikala su promjenjivog karaktera, moguće je putem interneta prilikom bilo kakve narudže, prvo potražiti najjeftinije dobavljače.

OČEKIVANA SREDSTVA GODIŠNJE OD:

- Grada Zenica 1.000,00
KM
- Premijera Vlade ZDK – interventna sredstva..... 500,00
KM
- Ministarstva za obrazovanje, nauku, kulturu i sport ZDK..... 500,00
KM
- Federalnog Ministarstva kulture u i sporta, Sarajevo 700,00
KM
- Federalnog Ministarstva obrazovanja i nauke, Mostar 700,00
KM
- Donacija od javnih preduzeća i privatnih firmi 1.000,00
KM
- Donacija građana..... 200,00
KM

UKUPNO OČEKIVANA SREDSTVA 4.600x5 23.000,00

KM

NAPOMENA: u slučaju većih godišnjih prihoda od rashoda, višak sredstava utrošio bi se za simbolične stimulacije prosvjetnim radnicima koji vode šahovske sekcije u školama, te za troškove organizacija od 1-5 Otvorenog kadetskog pojedinačnog prvenstva Grada Zenice (topli obrok i osvježavajuća pića za učesnike, sudijska taksa, pehari, medalje, diplome, baneri, javni oglasi, i razni potrošni materijal).

Komisija za stručni rad ŠK „ČELIK“ Zenica:

1. IM Goran Trkulja, predsjednik, _____
2. Ing. Vdedad Šestić, član, _____
3. Vincenc Šunjić, član _____

Ovaj prijedlog Komisije za stručni rad ŠK „Čelik“ Zenica, usvojen je na VII sjednici Upravnog odbora održanog dana _____ 2019. godine.

PRILOG – TEME ZA POČETNU ŠKOLU ŠAHA

1. Vrijednost figura




Dama ili kraljica se u našoj notaciji označava sa velikim slovom D (dama), u engleskoj notaciji sa Q (Queen), u ruskoj notaciji sa Φ (ferz) u današnjoj praksi vrijedi 9-10 pješaka, ili dva topa, ili 3 lake figure, ili top i jedna laka figura, ali prvenstveno sve zavisi od pozicije na šahovskoj ploči




Kralj se u našoj notaciji označava sa K (kralj), u engleskoj K (King), u ruskoj K (король), to je najvrijednija šahovska figura, jer je glavni cilj šahista da matiraju protivničkog kralja. Inače „mat” na staroperzijskom jeziku znači „mrtav”. Mat znači da se kralj nalazi pod šahom, a da se ne može skloniti ni na jedno slobodno polje koje nije tučeno, niti se može zakloniti nekom figurom. ITD

2. Početni položaj šahovske ploče (table). Obratite pažnju da se sa lijeve strane (a1 i h8) obavezno nalazi crno polje, te da se u početnoj poziciji bijela dama nalazi na bijelom polju (d1), a crna na crnom polju (d8). Ispod se nalazi ploča sa linijama (okomicama) a,b,c,d,e,f,g,h, i redovima (horizontalama) 1,2,3,4,5,6,7,8.



3. Označena šahovska polja na ploči, u šahovskim dijagramima bijeli pješaci nalaze se sa donje strane ploče, a kreću se na više (prema gore), dok je kretanje crnih pješaka obrnuto



4. Kretanje figura

Dama – pravolinijski po redovima ili linijama, te dijagonalno po poljima na kojem se nalazi na početnoj poziciji, ako su polja koje pokriva slobodna, ako nisu, ne može se kretati po figurama vlastite boje, ne može uzeti kralja protivničke boje (ali mu daje šah), a može uzeti bilo koju figuru ili

pješaka sa polja koja tuče, ako joj je to po rezonu;

Kralj – u svim pravcima za po jedno polje, ako je to moguće;

Top – horizontalno po redovima ili okomito po linijama, ako su polja koje pokriva slobodna, ako nisu, ne može se kretati po figurama vlastite boje, ne može uzeti kralja protivničke boje (ali mu daje šah), a može uzeti bilo koju figuru ili pješaka sa polja koja tuče, ako mu je to po rezonu;

Lovac – Kreće se dijagonalno po poljima vlastite boje ako su polja koje pokriva slobodna, ako nisu, ne može se kretati po figurama vlastite boje, ne može uzeti kralja protivničke boje (ali mu daje šah), a može uzeti bilo koju figuru ili pješaka sa polja koja tuče, ako mu je to po rezonu;

Skakač –